

Ilay Voa Tsara Nafafy 23
Janoary 2019

23

Alarobia
janoary

(Hoy Jesosy :) Mangataha, dia homena ianareo ; mitadiava, dia hahita ianareo ; dondony, dia hovohaina ianareo. Fa izay rehetra mangataka no mahazo ; ary izay mitady no mahita ; ary izay mandondona no hovohaina. Matio 7. 7-8

Mamaly Andriamanitra

„Ny fivavahana kristiana dia tsy hoe mino ny fisian’Andriamanitra fotsiny ihany, fa miaina fifandraisana manokana aminy. Niaina ilay fifanenana noresahan’i Kristy aho, indray andro, ary hahatsiaro izany mandritra ny fiainako manonto-lo. Indray hariva izay, irery tao an’efitranoko aho, nitalaho tamin’Andriamanitra mba hanehoany ny tenany amiko. Dia fiadanana sy fifaliana tsy hay lazaina sady tena tsy takatry ny saina no nameno ahy tsikelikely. Taloha dia sahirana mafy ery aho niezaka mivavaka vettivety, fa tamin’io hariva io kosa aho dia nahatsapa ho voataona hiresaka amin’Andriamanitra toy ny namana iray miresaka amina namana. Tena namelombelona ny tato anatiko io fifampiresahana io. Tampotampoka teo dia Teny ao amin’ny Baiboly, nohe-veriko ho tsy dia manan-danja firy, no nanjary nazava be, nifono hevitra mafonja, ary niantefa amin’ny fiainako. Tsy hoe niova ny Baiboly, fa ny foko no vao nokasihin’ny Fana-hy Masina. Satria Andriamanitra afaka nanome izany fahasoavana tsy mendrika ho an’olona toa ahy izany — be fana-hiana, mpiahiahy olona ary mpieboebo —, dia afaka mano-me izany ho anao koa, raha miresaka aminy am-panetrente-na sy an-kitsimpo ary am-pahatokiana ianao. Mangataha amin’Andriamanitra, dia hamaly anao Izy !

Tonga Jesosy mba hampihavana antsika amin’Ilay Rain-tsika any an-danitra, sy hitondra antsika ho eo amin’ny fanta-trehany. Jesosy dia Andriamanitra tonga tetè an-tany. Olona lavorary ihany koa Izy, maty sy nitsangana tamin’ny maty, nakarina any an-danitra, ary mipetraka eo ankavanana’Andriamanitra ankehitriny (Marka 16. 19). Araka ny nampanan-tenain’ny Tompo an’ireo mpianany, dia nirahiny ny Fana-hy Masina ho ao amin’ireo rehetra mitoky aminy, mba hahafahan’Andriamanitra mameno ny banga ao amin’ny fanahin’izy ireo.”

Frédéric